

فيديو # ٨٦١ من مقاطع حظر التجول تدبر سورة الأعراف # ٣٢

الآيات: ٨٤١-٥٤١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم مية تمانية وستين. من مقاطع حظر التجول. والمقطع رقم ثلاثة وعشرين من مقاطع تدبر سورة الأعراف اه الحمد لله والصلوة والسلام على رسول الله. امبارح تدبرنا الآيات اللي سيدنا موسى طلب فيها انه ينظر الى الله. وربنا - [00:00:01](#)

قال له لن تراني. ووراء تجربة عملية بانه تجلى عز وجل للجبل لجبل موجود في جبل انهار واصبح تراب واختفى يعني اصبح مكانه ارض مذكورة فسيدنا موسى خر صعقا. يعني اغمى عليه. فقد الوعي - [00:00:38](#)

ويقال في التفاسير ان هذا كان يوم عرفة وافق في اليوم التالي اللي هو يوم النحر. وده اليوم اللي ربنا ادى له فيه التوراة زي ما هننوف النهاردة اللي هو يوم النحر يعني ايه يوم يوم الاضحى - [00:01:01](#)

ربنا قال له ايه؟ اقرا معى بقى الآية مية اربعة واربعين. امسك افتح المصحف على سورة الأعراف الآية مية اربعة واربعين اعوذ بالله السميع العليم من الشيطان الرجيم. قال يا موسى اني اصطفيتك على الناس برسالات - [00:01:17](#)

وبكلامي فخذ ما اتيتك وكن من الشاكرين. فخذ ما اتيتك كنا امبارح يعني اللي اديهولك اقبله ما تطلبش اكتر من كده دلوقتي. هو كان طالب انه يشوف ربنا وراح مدي له الالواح - [00:01:39](#)

اللي هي الواح التوراة. يبقى خذ ما اتيتك من ضمن اللي هو ربنا بيعطيه له ايه؟ الواحد التوراة. طيب اقرا بقى معى مية خمسة واربعين. كده بنبدأ التدبر النهاردة من الآية مية خمسة واربعين - [00:01:58](#)

وكتبنا له في الالواح من كل شيء موعظة وتفصيلا لكل شيء فخذها بقوة وامر قومك يأخذوا بحسنها. ساريك دار الفاسقين ربنا بيقول انه كتب لسيدنا موسى في الالواح الالواح دي بتبقى عادة مربعات من الخشب - [00:02:12](#)

خشب كده العرب بيستخدموها في الكتابة وبيسخنوا عليه ويرجعوا يكتبوا تاني تابلتس يعني عاملة كده زي زي الابياد الكبيرة كده تستخدم لحد دلوقتي في المحاضر الموريتانية. المحاضر جمع محضرة اماكن زي مدارس صغيرة لتعليم الأطفال الكتابة وتحفيزهم القرآن بالكتابة - [00:02:45](#)

اما الواح التوراة فورد في التفاسير انها كانت من الحجر لكن سميت الواح لأنها تشبه الالواح اللي الناس بتكتب عليها الخشبية. لكن هي كانت الواح حجرية التوراة منقوشة عليها يعني منحوتة - [00:03:15](#)

المهم التوراة نزلت في الالواح وربنا شرفها بانه وصفها بانه هو الذي كتبها وكتبنا له في الالواح احنا لازم نفهم ان التوراة تعتبر اعظم كتب الله بعد القرآن الكريم يعني هي اعظم من الانجيل - [00:03:33](#)

لانها عقيدة وشريعة. بينما الانجيل عقيدة فقط ولم يأتي بشريعة جديدة وانما جاء متبنا لشريعة التوراة فكثيرا من الناس على فكرة كتير من الناس يقولوا ان التوراة معناها الشريعة. كلمة توراة معناها الشريعة لكن ده مش دقيق - [00:03:58](#)

التوراة بالعربي طايرة آآ ومكان تقرأ حسب اللهجة العربية. لأن العبرانيين او اليهود عندهم لهجتين. او عدة لهجات منهم لهجتين اساسيتين. ممكن يرمي نورة او منورا صورة او طايرة المهم آآ هي معناها التعاليم او التعليمات ده المعنى - [00:04:18](#)

الحرفي يعني. طيب المهم دايما لما نتكلم عن التوراة لازم نحط في اعتبارنا اننا بنتكلم عن كتاب من كتبنا كتبنا احنا كتب الاسلام دى

مسألة مهمة جدا اي حد اي مسلم لازم يكون فاهم. احنا مش بنتكلم عن كتاب اليهود. بنتكلم عن كتابنا احنا كتاب الاسلام. كتاب من [كتب الاسلام - 00:04:46](#)

احنا ما فيش بینا وبين التوراة ده هي وصفت في القرآن الكريم بانها مصدر للهدي والنور. ربنا بيقول في سورة المائدة انا انزلنا [التوراة فيها هدى ونور يحكم بها النبيون الذين اسلمو للذين هادوا والربانيون والاحبار. طيب ازاي نعرف - 00:05:10](#)

مين اللي في التوراة النهاردة ده صحيح ولا محرف ما ترى حرف لكن مش معنى انها حرفت يبقى كل اللي فيها محرف. طيب ازا [كان ده في العقائد بنقيس بالقرآن الكريم - 00:05:34](#)

ازا كان مختلف في المقاس ازا كان القرآن مش بيتوق ومش بيوافق على اي شيء عقائدي في التوراة يبقى ده محرز ليه؟ لأن العقائد لا [تتغير العقيدة لا تتغير ابدا - 00:05:51](#)

ازا كان في الفقه والحلال والحرام لو اختلف عن اللي القرآن يبقى حاجة من اتنين. يا اما محرف يا اما منسوخ. منسوخ يعني ايه يعني [ربنا نسخه بشرعية محمد بن عبدالله عليه الصلاة والسلام - 00:06:08](#)

وربنا قال في سورة البقرة ما ننسخ من اية يعني من شريعة هنا ما ننسخ من اية او ننسها. نأتي بخير منها او مثلها يعني ما [نسخ من شريعة نأتي بشرعية اخرى افضل منها او زيها - 00:06:27](#)

تخليه في زاكرتک التفسير ده بتاع النقاشة من ضمن معاني اية شريعة لأن احنا هنحتاجها في الآية مية ستة واربعين هتشوفوا [دلوقتی ربنا بيقول في سورة المائدة وانزلنا اليك الكتاب اللي هو القرآن - 00:06:48](#)

بالحق مصدق لما بين يديه يعني بيصدق اللي جه قبله ومهيمنا عليه. يعني ايه مهيمنا عليه؟ يعني هو هو الحكم اللي بيحكم ان كان [اللي فيه ده صح ولا غلط - 00:07:06](#)

اقرا معي مية خمسة واربعين تاني وكتبنا له في الالواح. فهمناها خلاص. ربنا كتب التوراة في الالواح من كل شيء موعظة وتفصيلا [لكل شيء. يعني من كل حاجة يحتاجها قومه - 00:07:30](#)

او يحتاجها الناس في الوقت ده موعظة ربنا اختار درس عظة في كل موضوع يهم الناس. وحطها في التوراة وتفصيلا لكل شيء. وكل [حاجة ذكرها الاحكام ربنا فصل فيها اللي يقرأ التوراة هيلالي تفاصيل موجودة عندهم - 00:07:52](#)

يعني تخرج الانسان من اي روحانيات. كمية تفاصيل لذلك يقال ان علماءبني اسرائيل لا يجوز لهم الاجتهاد الاحكام ولا بقى يعملوا زي [علمائنا والقياس واستحسان واستصحاب خالص ليه؟ التفاصيل كلها نازلة عندهم - 00:08:22](#)

انما احنا عندنا لا عندنا القرآن كتاب هداية آآ اسلوب القرآن فيه ايجاز وبلاغة شديدة التفاصيل بناخدتها من النبي صلی الله عليه وسلم [في السنة المطهرة النبي صلی الله عليه وسلم بيقول الا اني اوتيت الكتاب ومثله معه - 00:08:44](#)

الا اني اوتيت القرآن ومثله معه الا يوشك رجل ينتنني شبعانا على اريكته يوشك احنا على وشك نشوف المنزد ده. راجل بكرش قاعد [واكل وشارب ومستريح على اريكته. قاعد على - 00:09:06](#)

بتعاته يقول عليكم بالقرآن فما وجدتم فيه من حلال فالحلوه وما وجدتم فيه من حرام فحرموه يعني ما لناش دعوة لا بسنة ولا [بغيره. اللي في القرآن وبس الرسول صلی الله عليه وسلم بيقول ايه؟ الا لا يحل لكم لحم الحمار الاهلي - 00:09:29](#)

وربنا حرم لحوم الحمير. اسف الرسول عليه الصلاة والسلام حرم لحوم الحمير في في الاحاديث ده ولا كل ذي ناب من السباع ولا كل [حاجة لها ناب اي حيوان عنده ما بين حرام - 00:09:51](#)

طب ليه ضرب الامسلة بالاشياء دي؟ عشان دي اشياء لا يستطيع ان حد يحرمها من القرآن. القرآن ما بيحربهاش فيبيورينا قد ايه ان [شريعتنا مبنية على القرآن والسنة. يا جماعة ما تصدقوش ان حد بيهاجم السنة. ايه رأيكم بقى؟ الناس منكرين - 00:10:10](#)

السنة هدفهم مش السنة. هدفهم الشريعة. هو لما يهاجم السنة الشريعة سقطت. الشريعة سقطت. انتم امة بلا مشروع خلاص امة عالة. [عاللة على الامم. روحوا بقى خدوا الدستور الفرنسي والانجلي سيسكون والامريكياني والياباني - 00:10:29](#)

انتم ما عندكوش حاجة خلاص ان ايه لأن الشريعة وقعت. ما عندكوش شريعة وده يحصل لو وقعوا السنة الهدف مش السنة. عشان

كده لازم نقرأ اللي بين السطور طيب. نرجع للاية مية خمسة واربعين في سورة الاعراف. وكتبنا له في الالواح - 00:10:49

من كل شيء موعظة وتفصيلاً لكل شيء فخذها بقوة هنا تدبر كتاب الله يجب ان يؤخذ بقوة يعني بجدية وربنا نادى سيدنا يحيى في سورة مريم يا يحيى خذ الكتاب بقوة - 00:11:10

تقريباً كلمة خذ بقوة دي جت في القرآن دايماً مع التوراة يمكن خمس مرات بكلام الله بقوة مش معناه بتشدد او بتطرف. دي مسألة مهمة جداً ربنا سبحانه وتعالى هو اللي امرنا بالوسطية وعدم الغلو - 00:11:35

ربنا بيقول وكذلك جعلناكم امة وسطاً لا يتمتعوا الدين ولا انتم بتتشددوا فيه وكذلك جعلناكم امة وسطاً بين الامم احنا الامة الوسط هناك من غالوا في سيدنا المسيح وجعلوه الله وابن الله وابن الله وعبدوه وهناك من اتهموه امه بالزناء واعتبروه مهول ايه؟ ابن زنا. ايه ده - 00:12:02

احنا امة وسطة. احنا بنحبه. احنا بنعتبره واحد من احسن خمسة مشيوا على وجه الارض. لكن ما بنعبدوش وسطية بنحب الرسول عليه الصلاة والسلام جداً. بنموت في التراب اللي بيمشي عليه لكن ما نعبدوش. مليار وسبعمليون مليون بيحبو الرسول عليه الصلاة والسلام - 00:12:32

اكثر من عيالهم ما فيهم واحد بيعبده. عشان دي الوسطية. وكذلك جعلناكم امة وسطاً. لتكونوا شهداء على الناس المتطرفين مين دول ودول ويكون الرسول عليكم شهيداً سمانا الامة الوسطى. عارفين الاية دي؟ فين؟ سورة البقرة. الاية كم؟ مية ثلاثة واربعين - 00:12:52

سورة البقرة متين ستة وثمانين اية. اقسم على اتنين مية ثلاثة واربعين. وكذلك جعلناكم امة وسطاً في وسط البقرة بالزبط ليس المقصود بخذل فخذها بقوة يعني اذ تتشدد او تتطرف لا مقصود الجدية - 00:13:14

كتاب الله ينزل علينا عشان نقرأه ونتدبره ونتعبد به ونستشعر المشاعر اللي فيه ونطبقه في حياتنا ونحكمه في اؤمني كمل معى الاية فخذها بقوة وامر قومك يأخذوا بحسنها ساريك دار الفاسقين. وامر قومك اؤمر قومك يا موسى - 00:13:37
يأخذ بحسنها يعني ايه؟ هيقدعوا بقى ينقووا ده حلو ده وحش ده لا يأخذ بحسنها يعني يأخذوا بها يأخذوا وبهذه التوراة لحسنها لجمالها لكمالها. مش يأخذوا بحسنها يعني يقدعوا يفضلوا ده على ده. واحنا مش بنقى - 00:14:06

في سورة التوبه ربنا بيقول ليجيزهم الله احسن ما كانوا يعملون يعني يجيزهم الاعمال الحسنة اللي عملوها احسن الاعمال والاعمال اللي اقل منها في الحسن لأ؟ لأن ليجيزهم الله - 00:14:27

ما كانوا يعملون يعملون يعني يجيزهم الاعمال الحسنة اللي عملوها احسن الاعمال كذلك في سورة النور ليجيزهم الله احسن ما عملوا. ويزيدهم من فضلهم. يعني ربنا يعطيهم جزاء الاعمال الحسنة. الحسنات - 00:14:46

الزمر ربنا بيقول لنا احنا واتبعوا احسن ما انزل اليكم من ربكم. يعني اتبعوا القرآن. ليه؟ لانه حسن لانه جميل تمام طيب يبقى مش معناه اتنا نقرأ القرآن ونختار اشياء نتبعها وأشياء ما نتبعهاش. لأن عشان نقول ده حسن وده احسن من ده. ده مش المقصود. طيب. اقرأ معى مية خمسة - 00:15:07

تاني انا اسف وكتبنا له في الالواح وكتبنا له في الالواح من كل شيء موعظة في المواقع موعظة في كل موضوع. وتفصيلاً لكل شيء وفي الاحكام تفصيل تفاصيل. فخذها بقوة - 00:15:30

وامر قومك يأخذوا بحسنها. ساريك دار الفاسقين اول حاجة هنا بس سانية واحدة احنا بنسفيد هنا ايه من الاية دي؟ ان التوراة نزلت كلها دفعة واحدة مكتوبة مش زي القرآن الكريم نزل بوحى منجماً على ثلاثة وعشرين سنة. لأن تغراه بقى كلها حته واحدة مكتوبة ودفعت الى - 00:15:55

بني اسرائيل كده. طيب ايه بقى حكاية ساريك دار الفاسقين يعني ايه بعض المفسرين قالوا دار الفاسقين دي هي مصر وال fasqin هم الفراعين وقومهم وقيل هي الشام وال fasqin هم القوم الجبارين اللي كانوا ساكني فلسطين - 00:16:19

وقيل هي جهنم وال fasqin هم اهل جهنم وقيل هي ارض الامم الائدة ارض مدين او عاد وثمود ولوط اللي هم هيعدوا عليها الحقيقة

انا كنت بارجح الرأي ده اللي هي ساريك دار الفاسقين يعني الامم البائدة - [00:16:46](#)

اللي ذكرت في السورة هي اصلا في منطقة شمال الجزيرة وهم طالعين هيعدوا عليها. بالزات ارض مدين يعني. هي دي منطقة ايلات والعقبة لكن الحقيقة السياق اللحاق يعني ما سيلحق من ايات يؤيد انها فلسطين. دار الفاسقين هي فلسطين - [00:17:12](#)
ايه ده! معقول ربنا يقول كده على الارض المقدسة! ايوة ده مش زم في الارض. ده زم في الناس اللي ساكنة فيها الجيل اللي كان مع سيدنا موسى رفض يجاهد - [00:17:33](#)

وعوقب بالتاليه تاه اربعين سنة في سينا لغاية ما مات الجيل الفاسد اللي رفض يجاهد وجاء جيل جديد من المجاهدين جاهدوا مع سيدنا يوش ابن نون. لان سيدنا موسى كان مات. واخرجوا العماليق - [00:17:47](#)

من ارض فلسطين واقاموا دولة الاسلام في فلسطين اذا ايات الله ستة واربعين كده ساصرف عن ايات الذين يتکبرون في الارض بغير الحق وان يروا كل اية لا يؤمنوا بها وان يروا سبيل الرشد لا يتخذوه سبيلا وان يروا سبيل - [00:18:02](#)
وليتخذوه سبيلا. ذلك بانهم كذبوا بآياتنا و كانوا عنها غافلين. ايه معنى الكلام ده بقى له معنى له معنيين معنى في سياق القصة بتاعة بني اسرائيل ومعنى عام درس عام لحياتنا - [00:18:32](#)

دلوقتني في سياق القصة ربنا قال لهم ساريك دار الفاسقين. ايوة بس يا رب فلسطين دي فيها قوم جبارين. صعب نخرجهم مش هنقدر نخرجهم فلما ربنا قال لهم ساريك دار الفاسقين شرح بعدها ازاي - [00:18:49](#)
لانه في حاجة هتحصل من فوق فوق قدرتهم هم هم قالوا خلاص هي قوم جبارين احنا مش هنقدر فقال ايه؟ ساصرف عن اياتي يعني عن شرائي. يعني من اجل تطبيق شريعة - [00:19:09](#)

ربنا شريعة التوراة في الارض المقدسة ربنا ساصرف من وجه الشريعة من وجه الناس اللي هتقاوم تطبيق الشريعة في فلسطين ساصرف عن اياتي الذين يتکبرون في الارض بغير اللي هم مين؟ اللي هم الجبارين اللي كانوا في فلسطين - [00:19:25](#)
خلاص؟ فربنا بيقول ان هو سيدخل وسيصرف عن اياته الذين يتکبرون طيب فربنا هيتولى امر الجبارين دول. يعني هيساعد الناس اللي هتجاهد مع يوش ابن منهم. هو فعلا هزموهم. هزموهم ازاي ما تفهمش. يعني ارض - [00:19:45](#)

جبارين وعماليق واقويا وجيل نشا في سينا وفي الاخر قدوا يهزموهم يعني كان في هنا كان في تدخل الهي ساعدتهم يعني فربنا هيتولى امر الجبارين اللي فيها حتى يمهد الامر للمؤمنين كي يستطيعوا دخول فلسطين واقامة شرع الله. اياتي - [00:20:02](#)
اقرأ معی ساصرف عن اياتي الذين يتکبرون في الارض بغير الحق سورة الاعراف اهي من اولها لآخرها بتركز على تعامل الناس مع ايات الله. وخاصة المتكبرين عنها طب هم متكبرين ليه - [00:20:25](#)

ليه بيتكبروا عنها هو كل واحد ما يقتنعش بآيات الله بيقى متکبر؟ لا دول متكبرين لانهم كمل الاية. وان يروا كل اية لا يؤمنوا بها شافوا معجزات وبرضه لم يؤمنوا - [00:20:46](#)

فيه ناس بتشوف ايات وما بتؤمنش وربنا بيعتبر ان الناس دي متكبرين عن الایات. فيه ناس في القصة احنا شفناها شافت عصا بتطلع العصي والحبال اللي اتقلبت تعابين وشافوا الصحرا اللي فاهمين في علم السحر وادرکوا ان ده مش سحر. وامنه - [00:21:06](#)
وشافوا ايات اشكال والوان واصروا على الكفر وان يروا كل اية لا يؤمنوا بها بالرغم انهم عارفين ان ده الطريق الصحيح برضو يصروا على الكفر وعارفين انه كفر وان يروا كمل الاية سبيل الرشد - [00:21:28](#)

لا يتخذوه سبيلا مش فارق معهم الطريق اللي يؤدي الى الخير او الى الرشاد او الطريق الصح ابدا ما يفرقش برضه لن يتخذوا هذا الطريق كمل الاية وان يروا سبيل الغي يتخذوه سبيلا - [00:21:52](#)

ولما يدرکوا ان الطريق ده طريق شر وطريق وحش وطريق غلط يصروا ان هم يتخذوه برضو طب ليه كده الضلال الشديد ده؟ ليه كده ازاي الواحد ممكن يعمل في نفسه كده ويمشي في الطريق وهو عارف انه طريق غلط وعارف انه طريق شر - [00:22:13](#)
كم الاية ذلك بانهم كذبوا بآياتنا و كانوا عنها غافلين. اللي بيکذب بآيات الله بيقى عنها لان في حاجة تانية شدة انتباھه مستحوزة على كل اهتمامه اللي هي ايه؟ الشهوات - [00:22:32](#)

فتلاقي شهوة السلطة تجعل انسان يتترك سبيل الرشد والعدل ويتبع سبيل الغي والظلم رغم ان الطريقيين باينين جدا وواضحين وضوح الشمس. بس عنده شهوة اسمها شهوة السلطة. خلته غافل. وهذه الغفلة خلته يكذب - [00:22:54](#)

وحياة ربنا. اقرا وتناني اخر مية ستة واربعين ذلك بانهم كذبوا بآياتنا وكانوا عنها غافلين غفلة وتلاقي شهوة المال والتملك تجعل انسان يتترك سبيل الرشد والكسب الحال ويتبع سبيل الغير - [00:23:14](#)

والكسب الحرام. رغم ان الطريقيين باينين جدا وواضحين وضوح الشمس الاستكبار عن ايات الله يجعل الانسان فيه الجرأة انه يرفض الطريق الصحيح وهو عارف انه صحيح ويخلطي عنده الجرأة انه يمشي في الطريق الخطأ وهو يعلم انه خطأ - [00:23:34](#)

يقول النبي صلى الله عليه وسلم حفت الجنة بالمكاره وحفت النار بالشهوات عاوز تدخل الجنة؟ فيه تنها تدفعه اومال هتخشن ده انت باي حاجة في ده انت تركن عربتك بفلوس. الله! هتخشن الجنة بيلاش! لازم عبادة ولازم دعوة ولازم اعمار للارض! ولازم دفن - [00:23:56](#)

الظلم ولازم اقامة للعدل امال ايه الله حاجات كلها تحتاج تضحية بالجهد وبالمال وبالوقت وقد يستلزم الامر التضحية بالنفس. الا ان سلعة الله غالبة الا ان سلعة الله الجنة. وحفت النار بالشهوات - [00:24:18](#)

الطريق المؤدية بالنار كلها لذات وأشياء نشتهيها. المهم ان هذا الاستكبار على الآيات يفسد الفطرة ويجعل الشيطان متمكن من الانسان لدرجة انه فيه ناس لا تشعر باللذة الا في الحرام. وهي تعلم انه حرام - [00:24:37](#)

وتقول انه حرام في ناس لا تشعر باللذة الا في الحرام ده فساد سترة نتيجة الاستكبار عن ايات الله. اللي بيصلح ده كله ايه القرآن ما هو ده العلاج. هو ده الشفاء - [00:24:59](#)

الانسان يا جماعة اللي بي عمل كده اللي بي عمل الحرام وهو يعلم انه حرام بي عمل كده وهو غير مؤمن بلقاء الآخرة. قد يكون مؤمن بوجود الله. لكن مش مؤمن انه هيبعد - [00:25:23](#)

يحاسب في اللحظة اللي بي عمل بها الحرام. لذلك الرسول عليه الصلاة والسلام قال لا يسرق السارق حين يسرق وهو مؤمن ولا يزني الزاني حين يزني وهو مؤمن الاية مية سبعة واربعين - [00:25:37](#)

معلش هناخد مية سبعة واربعين كثير ولا ايه ناخد مية سبعة واربعين والذين كذبوا بآياتنا ولقاء الآخرة حبطة اعمالهم هل يجزون الا ما كانوا يعملون؟ الناس اللي كذبوا ايات ربنا وكذبوا لقاء الله يوم البعث والحساب - [00:25:50](#)

تفتقروا ربنا هيجزيهم ازاي هيعلموه ايه يعني؟ هيرحهم يعني والذين كذبوا اقرا معي والذين كذبوا بآياتنا ولقاء الآخرة حبطة اعمالهم. هل يجزون الا ما كانوا يعملون هل هيجزي والا باللي عملوه - [00:26:15](#)

هل يستحقوا غير كده يلا ناخد بقى مسال على الوقاحة دي وترك الهدى والرشد بالرغم من وضوحيه واتبع الغي بالرغم من وضوحيه. اقرا مية تمانية واربعين وشف مسال على الوقاحة - [00:26:33](#)

واتخذ قوم موسى من بعده من حليهم عجلا جسدا له خوار الم يروا انه لا يكلهم ولا يأتيهم سبيلا اخذوه وكانوا ظالمين. البشوات امل الكارسة اللي هم اقترحوها على سيدنا موسى - [00:26:48](#)

قبل كده عملوا فعلا صنم وعبدوه. بس الحلة دي بقى هناخدتها بكرة ان شاء الله. عشان احنا طولنا عليكم الحت دي الطويلة لسة وبكرة ان شاء الله نكمل ناخد نكمل بقى الاية مية تمانية واربعين ونكمel بعد كده - [00:27:11](#)

ندعوا ان شاء الله فاضل كثير مش هيتفع نكمel النهاردة اللهم اني اسألك حبك وحب من يحبك وحب كل عمل يقربني الى حبك. اللهم ما رزقني ما احب فاجعله قوة لي - [00:27:25](#)

ما تحب وما زويتعني ما احب فاجعله فراغا لي فيما تحب اللهم اجعلني احبك اللهم اجعل حبك احب الي من اهلي ومالی ومن الماء البارد على الظمة. اللهم حبني اليك والى ملائكتك وابنيائك ورسلك - [00:27:44](#)

وعبادك الصالحين. واجعلني من يحبك ويحب ملائكتك وابنيائك ورسلك وعبادك الصالحين. اللهم في قلبي بحبك واجعلني لك كما تحب. اللهم اجعل اجعلني احبك بقلبي كله اللهم اجعلني احبك بقلبي كله وارضيك بجسدي كله. اللهم اجعل حببي كله لك وسعي كله

في مرضاتك. اللهم اجعل القرآن - 00:28:04

كريمة ربنا ونور صدورنا وجلاء احزاننا وذهب همومنا ومغفرة ذنبنا. اسأل الله العلي العظيم ان يجعل على هذا التدبر في ميزان حسناتي وحسناتكم. اللهم انك تعلم ان هذه القلوب قد اجتمعت على كتابك وعلى محبتك - 00:28:31

واللتقت يا ربنا على طاعتك. وتوحدت على دعوتك وتعاهدت على نصرة شريعتك. فوثق اتق اللهم رابطتها وادم ودها. واهدها سبلها. واملأها بنورك الذي لا يخبو واشرح صدورها بفيض الايمان وجميل التوكل عليك. واحيها يا ربنا بمعرفتك وامتها على الشهادة في سبيلك. انك نعم المولى ونعم النصير - 00:28:51

والسلام عليكم ورحمة الله وبركاته. ونراكم غدا باذن الله كنا من اهل الدنيا - 00:29:21